

gericht, vnd mehrmols gebraucht, Item bei dem Sacrament der ehe, seltsame weisse gehalten, noch der ordnung, wie moises aufgesagt, Leute aus geringen vrsachen zusammen gegeben vnd gescheiden, vndir andern geschrieben, ob ein weib iren man merckt, das er sie nicht schwengere noch fruchtbar zu kindern machen konde, so solde sie iren manne ansagen, das sie von ime betrogen, den darymb hette sie einen man vnd inen ehelich genommen, das sie ein muttir sein wolde, derweile er abir dorzu nicht geschickt, so wolde sie zu einem andern gehn vnd fruchtbar von ime werden, und das mechte sie wol thun, auch wieder den willen iris mannis vnd der man were schuldig die finder zu nehren. Ey pshue dich, doch hats leuten wol gefallen. In dem buchlein wieder das babistumb das er gnant Captiuitas babilonica, ist das allir schendlichst fur huren, puben vnd lastleute⁸⁾ geschrieben vnd des dinges vnd schreibens aus dermossen viel wie den seine buchlein ausweisen, die er zu wittenberg Erstlich vndir Herzog Friederichen, dornoch Herzog Hansen gebrudern die auch vndir beidergestalt des Sacraments gestorben, Vnd auf heute Hansen Friederichen allen Churfursten zu Sachsen hat drucken vnd ausgehn lassen. Den in igtgnanter Churfursten lande, sunderlich doselbst zu wittenberg vnd Torgaw ist ein offentlicher zulauffe und enthalt⁹⁾ gewest, allir ausgelaufener pfaffen monchen vnd Nonnen, mit Allem dem, das sie den kirchen und Clostern gestolen vnd beraubet haben, Also das ein Sprichwort worden, des churfursten zu Sachsen lande vnd Stete nomen trefflich zw, den is kommen reiche Diebe dorein, wie den ikund vor ehlichen wochen vor fassenacht geschehen, das der abt zum Doberlog, das clostir allir clinodien, als ein vorretorisch diebe, vnd wie die sage vnd schreiben von dem lantuoit aus Niederlausitz gegen praga, da wir zu der zeit

8) lastleute, Lasterleute. 9) enthalt, Aufenthalt.